

Newspaper	Suara Keadilan
Date	27 October 2015

PM patut luluskan RM805 juta atasi banjir

Suara Keadilan - 27/10/2015

KETUA Menteri Pulau Pinang, Lim Guan Eng memohon Perdana Menteri meluluskan RM805 juta di dalam Rancangan Malaysia Ke-11 (RMK-11) bagi mengatasi masalah perparitan dan banjir di negeri itu.

Guan Eng dalam surat permohonannya kepada Jabatan Pengairan dan Saliran (JPS) Malaysia menyatakan, JPS Negeri memohon peruntukan tersebut bagi projek Rancangan Tebatan Banjir (RTB) dan Rancangan Living River (ROL).

"Peruntukan bagi mengurangkan kejadian banjir dan masalah banjir kilat di kawasan-kawasan penempatan rendah, kesan akibat banjir secara struktur dari aspek pengurangan bilangan penduduk terjejas, kerosakan harta benda dan kerosakan kemudahan awam dalam lembangan sungai.



la juga bagi meningkatkan kualiti dan keselesaan hidup penduduk setempat dan seterusnya menaiktaraf sosio ekonomi"

LIM GUAN ENG

Ketua Menteri Pulau Pinang

"la juga bagi meningkatkan kualiti dan keselesaan hidup penduduk setempat dan seterusnya menaiktaraf sosio ekonomi," kata Ahli Parlimen Bagin itu.

Sambung Guan Eng, kerajaan negeri juga telah menyelesaikan isu penempatan semula penduduk yang terlibat dalam projek RTB Sungai Pinang dalam RMK10 (dalam permohonan peruntukan RMK11 dinamakan ROL Sungai Pi-

pinang).

"Oleh itu, diharap dengan kelulusan permohonan RMK-11 bagi pelaksanaan projek ROL Sungai Pinang, banyak faedah akan dapat dirasai penduduk yang mendiami lembangan tersebut.

"Melalui projek ini juga, isu banjir yang sekian lama membelenggu penduduk sekitar Sungai Pinang khususnya dan negeri Pulau Pinang amnya dapat diselesaikan," katanya.